



LAPORAN LIPUTAN MEDIA HARIAN
RABU 12 MAC 2025

BIL	TAJUK KERATAN AKHBAR	KEMENTERIAN / JABATAN / AGENSI
1. 2.	PERIKANAN SELANGOR RAMPAS 174 JENIS IKAN, LOKAL, HM-2 DOF MENYAMAR JADI PEMBELI SERBU PREMIS, NEGARA, KOSMO-14	JABATAN PERIKANAN MALAYSIA (DOF)
3. 4. 5. 6. 7. 8. 9. 10. 11. 12.	48 COMPANIES IN CROSSHAIRS AS RICE-MIXING CRACKDOWN INTENSIFIES, NEWS, NST-4 OPS CAMPUR DILANCAR, PERIKSA KILANG, NEGARA, KOSMO-11 KPDN RAMPAS 300 KAMPIT BERAS, NASIONAL, SH-4 SIASAT JUALAN PEK BERAS 'SUPER IMPORT', NASIONAL, SH-4 KPDN BUKA 48 KERTAS SIASATAN, NASIONAL, BH-5 SIASATAN BERAS CAMPUR FOKUS KATEGORI 'SUPER IMPORT', NASIONAL, BH-5 48 PENGILANG PEMBUNGKUS BERAS DISIASAT, MUKA HADAPAN, BH BERAS CAMPUR, MUKA HADAPAN, SH PERLUAS PROGRAM JUALAN MURAH, LOKAL, HM-16 SIASAT 48 KILANG CAMPUR BERAS, LOKAL, HM-16	LAIN-LAIN

UKK KPKM

UNIT KOMUNIKASI KORPORAT
KEMENTERIAN PERTANIAN DAN KETERJAMINAN MAKANAN
(UNTUK EDARAN DALAMAN KPKM, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
12/3/2025	HARIAN METRO	LOKAL	2

JUAL IKAN LARANGAN

Perikanan Selangor rampas 174 jenis ikan

Shah Alam: Taktik licik pemilik dua kedai akuarium menjual ikan larangan dengan berselindung di sebalik jualan atas talian terbongkar selepas diserbu Jabatan Perikanan Selangor, kelmarin.

Difahamkan, kedua-dua premis yang terletak di daerah Petaling itu tidak dibuka kepada orang awam, namun dibuka khas untuk pembeli bagi tempahan atas talian.

Pengarah Perikanan Selangor Noraisyah Abu Bakar berkata, pihaknya merampas 174 ikan pelbagai jenis dan saiz.

"Antara yang ditemui adalah Spotted Gar, Peacock Bass, Amazon Red Tail Catfish, Tiger Shovelnose Catfish, Emperor



Antara yang ditemui adalah Spotted Gar, Peacock Bass, Amazon Red Tail Catfish, Tiger Shovelnose Catfish, Emperor Blue Hook, Arapaima dan Silver Dollar"

Noraisyah

Blue Hook, Arapaima dan Silver Dollar.

"Kertas siasatan sudah dibuka terhadap kedua-dua perniagaan terbabit," katanya menerusi kenyataan, kelmarin.

DOF menyamar jadi pembeli serbu premis

SHAH ALAM – Taktik pegawai Jabatan Perikanan (DOF) Selangor yang menyamar sebagai pembeli berjaya membongkar penjualan ikan 'alien' secara haram dalam operasi di Petaling Jaya, dekat sini semalam.

Dalam operasi kira-kira dua jam bermula pukul 12.30 tengah hari itu berjaya merampas 174 ikan larangan di dua buah premis.

Pengarah Perikanan Selangor, Noraisyah Abu Bakar berkata, semakan mendapati modus operandi mereka adalah tidak mempamerkan papan tanda perniagaan di hadapan kedai bagi mengelak diperiksa pihak berkuasa.

Katanya, DOF telah beberapa kali ke premis itu bagi menjalankan pemeriksaan berkala, namun gagal kerana pintu shutter premis sentiasa tertutup.

"Premis diserbu selepas pihak kita membuat janji temu untuk walk-in bagi membeli ikan. Premis ini didapati menjual ikan secara dalam talian.

"Bagi premis kedua pula dikatakan sebagai pengedar jualan ikan kepada premis-premis akuarium dengan pagar sentiasa ditutup dan penduduk sekitar juga mendakwa tidak tahu aktiviti yang dijalankan di dalam gudang itu," katanya ketika dihubungi semalam.

Ujar beliau, pihaknya telah cuba untuk memecah masuk premis, namun pemilik segera hadir dan memberikan kerjasama untuk membuka premis bagi tujuan semakan.

Katanya, hasil pemeriksaan lanjut kemudiannya membawa sitaan kepada 174 ekor ikan pelbagai jenis dan saiz.

Pecahannya adalah 44 ekor daripada spesies *pimelodidae* seperti baung ekor merah amazon, *tiger shovelnose catfish* dan 57 jenis *genus cichla* iaitu ikan raja atau peacock bass.

"Selain itu, 33 ekor *genus myleus* iaitu pacu, seekor arapaima bersaiz lebih 15 sentimeter dan 39 ekor ikan gar pelbagai saiz.

"Ikan-ikan tersebut dijual antara RM30, hingga RM300 bergantung kepada jenis dan saiznya," ujarinya.

Mengulas lanjut, kata beliau, larangan mengimport, menjual, memelihara, menyimpan dan mempamer ikan larangan adalah di bawah Peraturan-Peraturan Perikanan (Larangan Import, DSB, Bagi Ikan) (Pindaan 2024).

"Kertas siasatan telah dibuka dan menunggu keputusan selanjutnya daripada Timbalan Pendakwa Raya DOF," katanya.



IKAN baung ekor merah amazon albino yang dirampas DOF Selangor di Petaling Jaya baru-baru ini.

TARIKH	MEDIA	RUANGAN	MUKA SURAT
12/3/2025	NST	NEWS	4

'OP CAMPUR'

48 companies in crosshairs as rice-mixing crackdown intensifies

PUTRAJAYA: The Domestic Trade and Cost of Living Ministry is probing 48 companies for rice mixing as part of its crackdown on the mixture and sale of local and imported white rice.

Rice mixing, which dates back to the 1970s, involved the illegal mixing of local and imported rice to sell at the price of imported rice, which is more expensive.

The investigation papers were opened following inspections on 213 premises nationwide as part of "Op Campur".

The ministry's enforcement director-general Datuk Azman Adam said the investigation papers involved 48 premises of rice millers.

He said the operation, which began on Monday, saw 300 bags of rice samples valued at RM15,321 confiscated for further analysis by the Malaysian Agricultural Research and Development Institute (Mardi) and the Chemistry Department.

"The ministry's role is to collect rice samples while Mardi will conduct DNA tests to verify whether the rice is imported or locally produced.

"The Chemistry Department will analyse the percentage of broken rice to determine if it aligns with declared standards, as this affects pricing," he said yesterday.

On Feb 26, Mardi revealed that its analysis had resulted in around 40 to 50 per cent of tested rice sacks containing a mixture of imported and local white rice.

Mardi's Biotechnology and Nanotechnology Centre said the analysis was conducted in 2023 and last year using DNA fingerprinting technology.

Following this revelation, Domestic Trade and Cost of Living Minister Datuk Armizan Mohd Ali held a special meeting with Mardi on Monday and ordered Ops Campur to begin immediately.

Ops Campur dilancar, periksa kilang

- KPDN buka 48 kertas siasatan
- Rampas 300 kampil pada hari pertama

Oleh KAMARIAH KHALIDI

PUTRAJAYA — Kementerian Perdagangan Dalam Negeri dan Kos Sara Hidup (KPDN) membuka sebanyak 48 kertas siasatan terhadap premis pengilang dan pembungkus yang disyaki mencampur beras tempatan dengan import.

Ketua Pengarah Penguatkuasa KPDN, Datuk Azman Adam berkata, operasi hari pertama itu memeriksa 213 premis dengan hampir 300 kampil beras yang disyaki dicampur telah disita untuk tindakan lanjut.

"Setakat semalam (kelmarin), kita telah membuat pemeriksaan ke atas 213 premis pembungkus dan juga kilang di seluruh negara dan membuka 48 kertas siasatan dengan melibatkan nilai rampasan sampel melebihi RM15,000.

"Siti ini bertujuan sebagai pensampelan dan penentuan kualiti yang akan dikemukakan kepada Jabatan Kimia Malaysia



AZMAN (tengah) menjawab pertanyaan wartawan ketika memberikan sidang akhbar mengenai Op Campur di Putrajaya semalam.

dan Institut Penyelidikan dan Kemajuan Pertanian," katanya pada sidang akhbar di sini.

Menurut Azman, Ops Campur dilancarkan di seluruh negara bermula semalam susulan

pendedahan Pusat Penyelidikan Bioteknologi dan Nanoteknologi Mardi terdapat pencampuran beras tempatan dan import.

Justeru, katanya, KPDN mengambil langkah segera de-

ngan melaksanakan pemeriksaan ke atas beras tempatan dan import di peringkat pengilang.

Katanya, ia bagi memastikan aktiviti pencampuran beras tersebut dapat dibanteras ke

atas rantalan pembekalan yang terlibat.

"Menteri KPDN, Datuk Armizan Ali telah memulakan inisiatif untuk menyelesaikan masalah ini dengan mengadakan perjumpaan khas bersama dengan Mardi dan seterusnya mengarahkan Ops Campur dilaksanakan serta-merta," katanya.

Dalam pada itu, Azman berkata, pihaknya turut menyediakan untuk menjalankan pemeriksaan ke atas kira-kira 2,000 premis pengilang dan pembungkus di seluruh negara dalam masa terdekat dalam usaha membanteras kegiatan tersebut.

Katanya lagi, KPDN juga telah mengerahkan seramai 2,400 pegawai penguat kuasa menerusi operasi tersebut bagi mendapatkan sampel-sampel beras yang disyaki dicampur.

"Objektif utama kita melaksanakan Ops Campur ini adalah untuk membantu Kementerian Pertanian dan Keterjaminan Makanan dalam agenda menambah baik agenda padi dan beras negara.

"Dalam masa sama, kita hendak pastikan pengguna yang makan nasi setiap hari ini mendapatkan bekalan beras yang sepatutnya dengan nilai dibayar," jelasnya.

TARIKH	MEDIA	RUANGAN	MUKA SURAT
12/3/2025	SINAR HARIAN	NASIONAL	4

KPDN rampas 300 kampil beras

Membabitkan nilai rampasan lebih RM15,000 menerusi Ops Campur

Oleh **TUAN BUQHAIRAH**
TUAN MUHAMAD ADNAN
PUTRAJAYA

Kementerian Perdagangan Dalam Negeri dan Kos Sara Hidup (KPDN) merampas 300 kampil beras daripada 213 premis pembungkus dan pengilang yang diperiksa dalam Ops Campur pada Isnin.

Ketua Pengarah Penguat Kuasa KPDN, Datuk Azman Adam berkata, sebanyak 48 kertas siasatan dibuka membabitkan 48 premis diperiksa.

"Nilai rampasan adalah RM15,321.40 dan kesemua beras dirampas dihantar ke Pusat Penyelidikan Bioteknologi dan Nanoteknologi, Institut Penyelidikan dan Kemajuan Pertanian Malaysia (MARDI) Jabatan Kimia untuk dianalisis," katanya menerusi sidang akhbar di sini pada Selasa.

Jelas beliau, sekurang-kurangnya 2,000 premis pembungkus dan pengilang akan diperiksa bagi membantu Kementerian Pertanian dan Keterjaminan Makanan (KPKM) dalam agenda menambah baik industri padi dan beras negara.

"Pada masa sama, kami ingin memastikan pengguna mendapat bekalan daripada gred yang sepatutnya mereka



Penguat kuasa KPDN menjalankan pemeriksaan terhadap premis pembungkus dan pengilang beras dalam Ops Campur bermula Isnin.

bayar.

"Jadi beras yang dibeli pengguna itulah sepatutnya beras yang dibayar harganya," ujar beliau.

Jelasnya, selain beras campur, KPDN juga akan memeriksa kandungan peratusan beras hancur dalam setiap kampil.

"Kita akan melihat sama ada peratusan beras hancur yang diisytiharkan kerana ia turut mempengaruhi harga," kata Azman.

Februari lalu, MARDI mendedahkan sekitar 40 hingga 50 peratus beras import daripada 5,000 sampel yang dianalisis disahkan bercampur dengan beras putih tempatan (BPT).

Sampel beras yang diuji menggunakan teknologi pencaparian asid deoksiribonukleik (DNA) beras itu diperolehi daripada KPDN dan Pejabat Kawal Selia Padi dan Beras yang diambil daripada pengilang pada tahun 2023 serta 2024.

Pendedahan berkenaan mendorong pelbagai pihak menggesa tindakan tegas diambil terhadap pengilang yang menipu pengguna menjual beras import yang mengandungi kualiti beras campuran BPT.

Dalam pada itu, Azman menggesa komitmen daripada pihak industri padi dan beras dalam operasi berkenaan.

"Saya ingin memohon semua pihak terutama yang terbabit dalam industri padi dan beras ini supaya memberi kerjasama kepada KPDN untuk kami melaksanakan operasi ini.

"Kami tidak akan bertolak ansur terhadap mana-mana pihak yang cuba menggagalkan operasi ini," katanya.

Tambah beliau, penguatkuasaan Ops Campur itu merangkumi perundangan di bawah Akta Perihal Dagangan 2011 (AKta 730) dan tindakan undang-undang akan diambil ke atas mana-mana pihak yang didapati membuat perihal dagangan palsu.

TARIKH	MEDIA	RUANGAN	MUKA SURAT
12/3/2025	SINAR HARIAN	NASIONAL	4

Siasat jualan pek beras 'Super Import'

SHAH ALAM

Kementerian Perdagangan Dalam Negeri dan Kos Sara Hidup (KPDN) akan menjalankan siasatan terhadap jualan pek beras kategori 'Super Import' yang mempunyai label berwarna biru bagi mengenal pasti penyelewengan penjualan beras di pasaran.



ARMIZAN

Menterinya, Datuk Armizan Mohd Ali berkata, Bahagian Penguat Kuasa Kementerian akan melaksanakan siasatan di bawah Akta Perihal Dagangan (APD) 2011 yang merupakan undang-undang di bawah kawal selia KPDN.

"Kita berpandukan kepada Perintah Beras (Kawalan Gred dan Harga) (Pindaan) 2001 yang dikeluarkan melalui Peraturan-Peraturan Perlu (Kawalan Bekalan Beras) 1974.

"Perenggan 2(c) secara jelas termaktub kategori 'Super Import' adalah beras yang diperolehi dari luar Malaysia.

"Ini bermaksud jualan beras dalam kategori berkenaan perlulah 100 peratus beras yang diimport dari luar Malaysia," katanya menerusi kenyataan pada Selasa.

Sebelum ini beliau dilaporkan memaklumkan, KPDN akan menguatkuasakan Seksyen 5 APD 2011 untuk mengenal pasti pihak yang bertindak membuat perihal dagang palsu mengenai kandungan, jenis dan pelabelan beras.

Menurutnya, ia termasuk kesalahan melakukan penyelewengan penjualan beras dengan menukar bungkusan atau label beras yang boleh mengelirukan pengguna.

Dalam pada itu, Armizan menjelaskan, pihaknya akan bekerjasama dengan Institut Penyelidikan dan Kemajuan Pertanian Malaysia (MARDI) dan Jabatan Kimia sebagai agensi berwajib untuk melaksanakan analisis sampel.

Jelasnya, teknologi pencapjarian asid deoksiribonukleik (DNA) beras yang baharu dibangunkan oleh agensi itu diyakini akan dapat memperkasa keberkesanan siasatan dan penguatkuasaan.

TARIKH	MEDIA	RUANGAN	MUKA SURAT
12/3/2025	BERITA HARIAN	NASIONAL	5

Isu campuran beras import, tempatan

KPDN buka 48 kertas siasatan

Premis pengilang, pembungkus disyaki terbahit aktiviti campur beras tempatan dengan import

Oleh Mohd Iskandar Ibrahim
bhnews@bh.com.my

Putrajaya: Kementerian Perdagangan Dalam Negeri dan Kos Sara Hidup (KPDN) membuka 48 kertas siasatan ke atas 48 premis pengilang dan pembungkus kerana disyaki terbahit dalam kegiatan mencampur beras putih tempatan dengan beras import.

Ia berdasarkan pemeriksaan ke atas 213 premis di seluruh negara menerusi Ops Campur bermula kelmarin susulan pendedahan oleh Institut Penyelidikan dan Kemajuan Pertanian Malaysia (MARDI) berkaitan perkara itu pada 26 Februari lalu.

Ketua Pengarah Penguat Kuasa KPDN, Datuk Azman Adam, berkata susulan pemeriksaan itu, pihaknya merampas 300 kampak beras bernilai lebih RM15,000 disyaki dicampur antara beras putih tempatan dan import.

"Sejumlah 300 kampak beras yang dirampas kita gunakan se-

bagai sampel dan penentuan kuantiti untuk hantar kepada Jabatan Kimia dan MARDI bagi tujuan pengesahan," katanya pada sidang media di sini, semalam.

MARDI menerusi Pusat Penyelidikan Bioteknologi dan Nanoteknologi baru-baru ini mendedahkan, kira-kira 40 hingga 50 peratus beras putih import (BPI) daripada 5,000 sampel yang dianalisis, disahkan bercampur dengan beras putih tempatan (BPT).

Pegawai Penyelidik Kanan Biologi Sains (Genetik) Pusat Penyelidikan Bioteknologi dan Nanoteknologi MARDI, Mohd Shahril Firdaus Ab Razak, dilaporkan berkata, kajian menggunakan teknologi pencaplaran asid deoksiribonukleik (DNA) beras itu dijalankan sepanjang 2023 dan 2024.

Bellau berkata, analisis dibuat bagi mengenal pasti isu kehilangan BPT di pasaran selaras penubuhan Petugas Khas Operasi Bersepadu Beras Putih Tempatan pada 2023 dengan campuran beras dipercayai berlaku di peringkat pengilang dengan petani menanam padi menggunakan benih tempatan.

Sasar periksa 2,000 premis
Mengulas lanjut, Azman berkata, pihaknya menyasarkan untuk memeriksa kira-kira 2,000 premis pengilang dan pembungkus dalam tempoh terdekat bagi memastikan isu beras campur dapat ditangani segera.

"Ops Campur ini adalah operasi berterusan dan kita akan periksa semua premis di seluruh negara termasuk Sabah, Sarawak dan Labuan.

"Jadi saya ingin memohon semua pihak terutama yang terbahit dalam industri padi dan beras ini supaya memberi kerjasama kepada KPDN untuk kami melaksanakan operasi ini dan kami tidak akan bertolak ansur terhadap mana-mana pihak yang cuba menggagalkan operasi ini," katanya.

Azman berkata, Ops Campur juga bertujuan membantu Kementerian Pertanian dan Keterjaminan Makanan (KPKM) dalam menambah baik industri padi dan beras negara, sekali gus memastikan pengguna menggunakan bekalan beras yang sepatutnya (tanpa campuran) agar setimpal dengan harga yang dibayar.

Bellau berkata, penguatkuasaan Ops Campur itu merangkumi perundangan di bawah Akta Perihal Dagangan 2011 (AKta 750) dan tindakan undang-undang akan diambil ke atas mana-mana pihak yang didapati membuat perihal dagangan palsu.

"Bagi individu, mereka boleh disabitkan denda tidak melebihi RM100,000 atau penjara tidak melebihi tiga tahun atau kedua-duanya. Bagi kesalahan kedua atau berikutnya, denda tidak melebihi RM250,000 atau penjara tidak melebihi lima tahun atau kedua-duanya.

"Bagi syarikat pula, denda ti-



KPDN menjalankan pemeriksaan di premis pengilang dan pembungkus beras dalam Ops Campur. (Foto Ihsan KPDN)

dak melebihi RM250,000 dan bagi kesalahan kedua atau berikutnya, denda tidak melebihi RM500,000," katanya.

Azman berkata, Ops Campur juga bertujuan membantu KPKM

menambah baik industri padi dan beras negara, sekali gus memastikan rakyat menggunakan bekalan beras yang sepatutnya (tanpa campuran) agar setimpal dengan harga yang dibayar.

TARIKH	MEDIA	RUANGAN	MUKA SURAT
12/3/2025	BERITA HARIAN	NASIONAL	5

Siasatan beras campur fokus kategori 'Super Import'

Ibadat & Fadilat

bu Hurairah RA meriwayatkan Nabi SAW bersabda: "Allah SWT berfirman: Wahai anak Adam, kerjakanlah ibadah semata-mata untuk-Ku, nescaya Aku penuhi dadamu dengan kekayaan dan Aku tutup kemiskinanmu. Jika engkau tidak kerjakan, maka Aku penuhi dadamu dengan kesibukan. Aku tidak menutup kemiskinanmu." (HR Ibnu Majjah)

KAWASAN	SUBUH	ZUHUR	ASAR	MAGHRIB	ISYAK
Kangar	6:19	1:31	4:44	7:32	8:41
Alor Setar	6:18	1:31	4:44	7:31	8:41
P. Pinang	6:18	1:31	4:43	7:32	8:41
Ipoh	6:16	1:28	4:39	7:30	8:39
Kuala Lumpur	6:13	1:26	4:36	7:27	8:36
Shah Alam	6:13	1:26	4:36	7:27	8:36
Johor Bahru	6:04	1:17	4:25	7:19	8:28
Kuantan	6:08	1:20	4:30	7:22	8:31
Seremban	6:12	1:24	4:33	7:26	8:35
Bandar Melaka	6:11	1:23	4:32	7:25	8:34
Kota Bharu	6:11	1:23	4:36	7:24	8:29
K. Terengganu	6:07	1:19	4:31	7:21	8:30
Kota Kinabalu	5:15	12:28	3:40	6:29	7:38
Kuching	5:39	12:52	4:00	6:54	8:03

Putrajaya: Kementerian Perdagangan Dalam Negeri dan Kos Sara Hidup (KPDN) kini memberi tumpuan kepada penjualan pek beras kategori 'Super Import' yang memiliki label berwarna biru dalam siasatan membabitkan kegiatan mencampur beras putih tempatan dengan beras import.

Menterinya, Datuk Armizan Mohd Ali, berkata fokus siasatan berpusatkan kepada Perintah Beras (Kawalan Gred dan Harga) (Pindaan) 2001 yang dikeluarkan melalui Peraturan-Peraturan Perlu (Kawalan Bekalan Beras) 1974.

"Perenggan 2(c) secara jelas termaktub kategori 'Super Import' adalah beras yang diperolehi dari luar Malaysia.

"Saya sudah mengarahkan Bahagian Penguat Kuasa KPDN melaksanakan siasatan segera berhubung isu jualan percampuran beras di pasaran di bawah Akta Perihal Dagangan (APD) 2011 yang merupakan undang-undang

di bawah kawal selia KPDN," katanya menerusi kenyataan semalam.

Kelmarin, Armizan dilaporkan berkata, KPDN akan menguatkuasakan Seksyen 5 Akta 730 untuk mengenal pasti pihak bertindak membuat perihal dagang palsu mengenai kandungan, jenis dan pelabelan beras.

Beliau berkata, perkara itu termasuk kesalahan melakukan penyelewengan penjualan beras dengan menukar bungkusan atau label beras yang boleh mengelirukan pengguna.

Mengulas lanjut, Armizan berkata, dengan Perenggan 2(c) peraturan terbabit, ia bermaksud jualan beras dalam kategori berkenaan perlu 100 peratus beras diimport dari luar Malaysia.

Katanya, jika pek beras kate-

gori 'Super Import' dan dilabel warna biru yang dijual di pasaran didapati mengandungi beras tempatan, amat jelas ia bertentangan dengan undang-undang.

Ini kerana Seksyen 5, Akta Perihal Dagangan 2011 memperuntukkan kesalahan bagi menggunakan, membekalkan atau menawarkan barang dengan perihal dagangan palsu.

"Sebagaimana saya maklumkan semalam (kelmarin), kita akan bekerjasama dengan MARDI dan Jabatan Kimia sebagai agensi berwajib untuk melaksanakan analisis sampel.

"Teknologi Pencapaian DNA Beras yang baru dibangunkan oleh MARDI diyakini akan dapat memperkasa keberkesanan siasatan dan penguatkuasaan," katanya.



Armizan Mohd Ali

TARIKH	MEDIA	RUANGAN	MUKA SU- RAT
12/3/2025	BERITA HARIAN	-	MUKA HADAPAN

Wadah Pembaharuan
BH
Berita Hari

Diterbit sejak 1957

Bank Negara, KWSP, KKM bangunkan produk asas insurans kesihatan, takaful tangani isu kenaikan kos perubatan
Nasional 2

Isu beras putih campur beras import

48 pengilang, pembungkus beras disiasat

Kementerian Perdagangan Dalam Negeri dan Kos Sara Hidup (KPDN) buka 48 kertas siasatan ke atas premis pengilang dan pembungkus kerana disyaki terbabit dalam kegiatan mencampur beras putih tempatan dengan beras import. Ia hasil pemeriksaan ke atas 213 premis di seluruh negara menerusi Ops Campur bermula kelmarin.

Oleh Mohd Iskandar Ibrahim → Nasional 5



(Foto ihsan KPDN)

TARIKH	MEDIA	RUANGAN	MUKA SU- RAT
12/3/2025	SINAR HARIAN	-	MUKA HADAPAN



Dua penguat kuasa KPDN menjalankan pemeriksaan terhadap premis pembungkus dan pengilang beras di seluruh negara dalam Ops Campur yang bermula pada Isnin.

- Kementerian Perdagangan Dalam Negeri dan Kos Sara Hidup (KPDN) telah merampas 300 kampit beras daripada 213 premis pembungkus dan pengilang pada hari pertama Ops Campur dilancarkan. Sebanyak 48 kertas siasatan turut dibuka ke atas premis yang disyaki terbabit dalam kegiatan mencampur beras putih tempatan dengan beras import.
- Sementara itu, Menteri KPDN, Datuk Armizan Mohd Ali menegaskan pihaknya akan menjalankan siasatan segera jualan pek beras kategori Super Import yang mempunyai label berwarna biru bagi mengenal pasti penyelewengan penjualan beras di pasaran.

PERANG BERAS CAMPUR

4

TARIKH	MEDIA	RUANGAN	MUKA SURAT
12/3/2025	HARIAN METRO	LOKAL	16

Perluas program jualan murah

Kuala Lumpur: “Kerajaan akan memperluaskan program jualan murah bagi membantu rakyat mendapatkan barangan keperluan pada harga berpatutan menjelang musim perayaan,” kata Timbalan Perdana Menteri Datuk Seri Dr Ahmad Zahid Hamidi. Beliau yang juga Pengerusi Majlis Tindakan Sara Hidup Negara (Naccol) berkata, program jualan murah itu merangkumi Jualan Rahmah Madani, Jualan Pra Syawal di Pasar Tani dan Jualan Agro Madani. “Kementerian Pertanian dan Keterjaminan Makanan (KPKM) memberi jaminan bahawa bekalan 11 komoditi agromakanan utama, termasuk beras, kelapa, ayam dan telur ayam adalah mencukupi sepanjang Ramadan dan persiapan Aidilfitri,” katanya. Perkara itu antara yang dibincangkan dalam Mesyuarat Jawatankuasa Eksekutif Naccol Bilangan 1 Tahun 2025, semalam, yang turut dihadiri Menteri Perdagangan Dalam Negeri dan Kos Sara Hidup Datuk Armizan Mohd Ali dan Timbalannya Dr Fuziah Salleh, pegawai kanan Kementerian, wakil kerajaan negeri, pihak industri, dan badan bukan kerajaan. Ahmad Zahid berkata, mesyuarat turut membincangkan peningkatan inflasi kos perubatan menyebabkan kenaikan berurusan dalam tuntutan insurans kesihatan dan takaful. Beberapa langkah dikenal pasti bagi mengekang kenaikan premium Takaful Perubatan dan Kesihatan (MHIT), termasuk pengagihan kadar pelarasan premium dan penangguhan pelarasan premium.

TARIKH	MEDIA	RUANGAN	MUKA SURAT
12/3/2025	HARIAN METRO	LOKAL	16

Siasat 48 kilang campur beras

Putrajaya: Kementerian Perdagangan Dalam Negeri dan Kos Sara Hidup (KPDN) membuka 48 kertas siasatan ke atas 48 premis pengilang dan pembungkus kerana disyaki terbabit dalam kegiatan mencampur beras putih tempatan dengan import.

Ketua Pengarah Penguat Kuasa KPDN Datuk Azman Adam berkata, ia berdasarkan pemeriksaan ke atas 213 premis di seluruh negara menerusi Ops Campur, kelmarin, susulan pendedahan Institut Penyelidikan dan Kemajuan

Pertanian Malaysia (Mardi) berkaitan perkara itu.

"Hari pertama Op Campur semalam (kelmarin), KPDN memeriksa 213 premis dan sebanyak 48 kes dihasilkan.

"Dalam pemeriksaan itu, kami merampas 300 kampak beras RM15,000 disyaki beras yang dicampur antara beras putih tempatan dan beras import.

"(Sebanyak) 300 kampak beras yang dirampas ini kami gunakan sebagai sampel untuk kita hantar kepada Jabatan Kimia dan Mardi bagi tujuan penge-

sahan," katanya.

Mardi mendedahkan 40 hingga 50 peratus beras putih import (BPI) daripada 5,000 sampel dianalisis, disahkan bercampur beras putih tempatan.

Pegawai Penyelidik Kanan Biologi Sains (Genetik) Pusat Penyelidikan Bioteknologi dan Nanoteknologi Mardi Mohd Shahril Firdaus Ab Razak dilaporkan berkata, kajian menggunakan teknologi pencapjarian asid deoksiribonukleik (DNA) beras itu dijalankan sepanjang 2023 dan tahun lalu.